



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1563 usque ad annum 1566

**Fleury, Claude**

**August. Vind. [u.a.], 1772**

**VD18 90118626**

§. 14. Caput X. De tempore, quo matrimonia inire licet.

---

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

„ulteros, & concubinarios inflictis, in suo robore permanentibus.,”

Sæcul. XVI.  
A.C. 1563.

§. XIII.

CAPUT IX.

*Nemo ad matrimonium cogendus.*

„Ita plerumque temporalium dominorum, ac Magistratum mentis oculos terreni affectus, atque cupiditates excæcant, ut viros, & mulieres sub eorum jurisdictione degentes, maxime divites, vel spem magnæ hæreditatis habentes, minis, & pœnis adiungant cum iis matrimonium invitos contrahere, quos ipsi Domini vel Magistratus illis præscripserint: quare cum maxime nefarium sit, matrimonii libertatem violare, & ab eis injurias nasci, a quibus jura expectantur, præcipit sancta Synodus omnibus, cujuscunque gradus, dignitatis, & conditionis existant, sub Anathematis pœna, quam ipso facto incurrant, ne quovis modo directe, vel indirecte, subditos suos, vel quascunque alios cogant, quominus libere matrimonia contrahant.

§. XIV.

CAPUT X.

*De tempore, quo matrimonia inire licet.*

B 2

„Ab



Sæcul. XVI.  
A.C. 1563.

„Ab Adventu Domini nostri Jesu Christi  
„usque in diem Epiphaniæ, & a  
„feria quarta Cinerum usque in Octa-  
„vam Paschatis inclusive, antiquas so-  
„lemnium nuptiarum prohibitiones, di-  
„ligenter ab omnibus observari sancta  
„Synodus præcipit: in aliis vero tem-  
„poribus nuptias solemniter celebrari  
„permittit, quas Episcopi, ut ea, qua  
„debet, modestia, & honestate fiant, cu-  
„rabunt: sancta enim res est matrimo-  
„nium, & sancte tractandum.

Vix non omnes ex Synodi Patribus hæc decreta approbabant, non deerant tamen, qui plura movebant dubia, ac primo quidem Moronus Legatus, pluresque alii ægre ferebant, quod in Canone duodecimo anathema diceretur illis, qui credunt, aut asserunt, quod causæ Matrimonium concernentes non pertineant ad Judices Ecclesiasticos: idem quoque Legatus Moronus subjunxit, quod circa matrimonia clandestina staret Pontificis Judicio, nec minus idipsum sentiebat Simonetta Cardinalis: Navagerus autem Cardinalis cuncta rata habebat, Lotharingio tamen anathema in Canone sexto pronuntiatum videbatur nimis severum: dissentiebant insuper plures alii Patres circa varia capita. Demum Nicosien- sis Archiepiscopus Cypri Ecclesiæ Pri-  
mas



mas nomine Græcorum, quorum Episcopus erat, legitimam fidei professionem producebat, eamque Synodi actis inferi petebat. Post hæc cum cuncti suas opiniones edicerent, Legatorum primus suffragiis collectis alta voce dicebat: „Omnes Patres doctrinam, & „capita de Sacramento Matrimonii approbant, nonnulli tamen desiderant, „ut quædam adderentur, alia demerentur.„ Præterea decretum de clandestinis conjugiiis potissimæ Patrum parti probabatur, eorum tamen quinquaginta illud rejecerunt, atque inter eos Simonetta Cardinalis Sedis Apostolicæ Legatus totum id summi Pontificis iudicio subiecit, his verbis: *Ego pariter tanquam Sedis Apostolicæ Legatus approbo hoc decretum, si illud Sanctissimus noster approbat.* Nulla fiebat mentio de Ofio Legato utpote infirmo, qui nonnisi altera die suum suffragium transmiserat: Moronus vero de hoc decreto differens non dixit: *approbo*, prout de aliis decretis affirmare assuetus erat, postquam illa Patrum potissimi approbarunt: porro id Moronus omisit, eo quod duo ex quatuor Legatis, qui Papæ vices obibant, huic decreto adversari viderentur. Verum omne dubium sustulit subsequens Pontificis approbatio, cui omnes Legati, ac Patrum, qui ei sese ante-

Sæcul. XVI.  
A.C. 1563.



Sæcul. XVI. A.C. 1563. tea opponere, potissimi sua iudicia submittebant.

Postquam igitur specialia hæc decreta de Matrimonii Sacramento fuere promulgata, cetera Reformationis generalis decreta proponebantur, in quibus extra morem plures fiebant mutationes ex sententia Patrum: porro decreta hæc erant numero viginti, & unum, quæ in hac Sessione promulgabantur.

§. XV.

C A P U T I.

*De reformatione Generali, & de creatione Episcoporum, ac Cardinalium.*

„Si in quibuslibet Ecclesiæ gradibus  
 „providenter, scienterque curan-  
 „dum est, ut in Domini domo nihil sit  
 „inordinatum, nihilque præposterum,  
 „multo magis elaborandum est, ut in  
 „electione eius, qui supra omnes gra-  
 „dus constituitur, non erretur, nam  
 „totius familiæ Domini status, & ordo  
 „mutabit, si quod requiritur in corpore,  
 „non inveniatur in capite: unde et si  
 „alias sancta Synodus de promovendis  
 „ad Cathedrales, & Superiores Eccle-  
 „sias nonnulla utiliter decrevit, hoc  
 „tamen munus huiusmodi esse censet,  
 „ut, si pro rei magnitudine expendatur,  
 „nunquam satis cautum de eo videri  
 possit: